



Broj: 01 - 18/16
Vareš, 28.01. 2016. godine

IZVJEŠTAJ/IZVJEŠĆE
o realizaciji Programa rada Općinskog vijeća Vareš,
za 2015. godinu

Općinsko vijeće Vareš na 24. sjednici održanoj dana 29.12.2014. godine, donijelo je Program rada ovog predstavničkog tijela za 2015. godinu. Programom rada utvrđene su tematske i normativne aktivnosti Vijeća, kao i kalendar akata koji će se razmatrati na sjednicama OV u 2015. godini s tačno utvrđenim nositeljima izrade, predlagачem i rokovima.

Programom rada za 2015. godinu utvrđeno je da će Općinsko vijeće razmatrati 55 tematskih cjelina i donijeti 11 akata iz oblasti normativne aktivnosti koje su u nadležnosti vijeća ili ukupno 66 cjelina.

U izvještajnom periodu Općinsko vijeće je održalo 10 sjednica (8 redovnih, 1 svečanu i 1 vanrednu sjednicu), na kojima je razmatrano ukupno 107 tački dnevnog reda ili prosječno 10 tački po sjednici OV (uključujući i tačku „Tekuća pitanja“). Kolegij OV održao je 12 sjednica.

U izvještajnom periodu realizovano je 53 tematskih i 9 normativnih cjelina po Programu rada Općinskog vijeća.

Ukupan broj tematskih i normativnih cjelina koje je OV Vareš razmatralo, a nisu bile planirane Programom rada OV za 2015. je 32, od toga 15 odluka, 8 rješenja, 4 zaključaka, 1 informacija/izvještaj i 4 druga akta, što znači da Vijeće razmatra i usvaja akte za koje se ukaže potreba, a iste dostavi ovlašteni predlagач ili neki drugi organ višeg nivoa vlasti.

Na protokolu Stručne službe OV, protokolirano je 205 akata, zaprimljeno je 154 akta, a kroz internu poštu protokolirano je 232 akta.

Nisu realizovane 2 tematske cjeline, i to:

1. Informacija o primjeni Etičkog kodeksa izabranih dužnosnika Općine Vareš.
Nositelj izrade: Etička komisija Općinskog vijeća
Razlog: Nije bilo zahtjeva niti predstavljeni u pogledu provođenja Etičkog kodeksa.
2. Informacija o stanju svih spomen obilježja na području općine Vareš.
Nositelj izrade: Služba za opću upravu, društvene djelatnosti i BiZ.
Razlog: Potrebno uraditi cjelovitu informaciju.

Nisu realizovana 2 normativno-pravna akta, i to:

1. Prijedlog Odluke o dodjeli općinskih priznanja i nagrada općine Vareš za 2015. godinu.
Nositelj izrade: Služba za opću upravu, društvene djelatnosti i BiZ
Razlog: Procedura je provedena u skladu s aktima OV, ali nije bilo kandidata za priznanja i nagrade u 2015. godini.
2. Prijedlog Zaključka o pristupanju izmjenama i dopunama Statuta Općine Vareš
Nositelj izrade: Komisija za statutarna pitanja i propise
Razlog: Akti FBiH i Kantona još su u proceduri, nisu donešeni, na osnovu kojih bi bilo usklađivanje Statuta

Znači da je Općinsko vijeće realizovalo Program rada za 2015. godinu sa 93,9%, a 2014. godine taj procenat je bio 89%.

U izvještajnom periodu u skladu sa svojim nadležnostima Vijeće je donijelo 22 Odluka (u prijedlogu ili nacrtu), te razmatralo i usvojilo 8 Rješenja, 25 Izvještaja, 26 Informacija, i 13 drugih pisanih akata upućenih OV od strane pravnih lica, udruženja građana i građana. Nisu usvojene dvije odluke i dva programa.

Pod tačkom „Tekuća pitanja“ Vijeće je upoznato i vodilo raspravu o ukupno 51 tekuće pitanje a od toga 19 pisanih akata upućenih OV od strane pravnih lica, udruženja građana i građana.

Pored održanih sjednica OV, u pripremi materijala za sjednice Vijeća održavane su, po potrebi i sjednice radnih tijela (komisija) Općinskog vijeća, i to: 16 sjednica komisija Općinskog vijeća s 41 razmatranu tačku dnevnog reda. Povremena radna tijela koja je imenovalo OV, također su po ukazanoj potrebi održavali sjednice.

Komisije Općinskog vijeća radile su u skladu s Poslovníkom o radu Općinskog vijeća i po ukazanoj potrebi.

Pored toga, bitno je istaći da je u skladu s Poslovníkom o radu Općinskog vijeća, na Vijeću postavljeno 47 vijećničkih pitanja. Na 14 vijećničkih pitanja nije dat odgovor od nadležnih službi, dok se na 4 vijećnička pitanja čeka odgovor do naredne sjednice OV.

U izvještajnom periodu Općinsko vijeće je na sjednicama, razmatrajući materijale u sklopu dnevnog reda sjednice OV ili pod tačkom tekuća pitanja, donijelo 15 zaključaka ili preporuka.

Kada je riječ o izvještavanju Vijeća i praćenju provođenja Zaključaka OV može se konstatovati da nije bilo Zaključaka koji nisu realizovani od strane nadležnih, ali ima Zaključaka koji su u fazi realizacije odnosno provođenja.

I dalje stoji konstatacija da Općinsko vijeće svoj Program rada za tekuću godinu koji je izrađen po kvartalima i mjesecima, može realizovati ako nosilac izrade, odnosno predlagači, tematske cjeline u rokovima pripreme, izrade i dostave na razmatranje i izjašnjavanje Općinskom vijeću Vareš, taj rok bi trebao biti do 15-tog u toku mjeseca, kako bi se ispoštovala potrebne Poslovníčke procedure i rokovi.

S toga je potrebno da izvršna vlast sa Općinskim načelnikom kao rukovodiocem organa uprave ima, kao i do sada, odgovoran odnos u izvršavanju obaveza prema Općinskom vijeću, u skladu sa Zakonima i aktima Općine, kako bi lokalna uprava u cjelini postizala bolji učinak i bila funkcionalnija za sve građane općine Vareš.

Iz svega naprijed navedenog, a u cilju jačanja uloge ovog predstavničkog organa i njegovih tijela u ostvarivanju Ustavom, Zakonom i Statutom utvrđenih nadležnosti, potrebno je da:

1. Općinsko vijeće principijelno se pridržava Poslovnika o radu OV i da istraje na izvršavanju utvrđenih zadataka i obaveza iz godišnjeg Programa rada. U tom pravcu, a u skladu sa nadležnostima utvrđenim u Poslovniku, ukazuje se potreba jačanja uloge stalnih radnih tijela OV u razmatranju, zauzimanju stavova i mišljenja kod priprema materijala za sjednice OV,
2. Općinski načelnik i nadležne službe za upravu odgovornije pristupe na davanju odgovora na vijećnička pitanja u pisanoj formi, poštujući utvrđen rok od 30 dana (član 42. Statuta),
3. Se neisplaćene naknade za Komisije OV i vijećnike iz 2014. godine, isplate do 31.03. 2016. godine.
4. Se neisplaćene naknade za vijećnike i Komisije OV iz 2015. godine isplate do 30.06.2016.godine.

Prilog 1. - Pregled rada OV Vareš po sjednicama i dnevnom redu za 2015. godinu.

Prilog 2. - Pregled održanih sjednica stalnih radnih tijela (Komisija) OV Vareš u 2015. godini.

Prilog 3. - Evidencija o prisustvu vijećnika/ca sjednicama OV Vareš i o sudjelovanju u radu vijećnika/ca OV Vareš u 2015. godini.

Prilog 4. - Finansijski podaci o korištenju budžetskih sredstava OV za 2015. godinu

**PREDSJEDAVAJUĆI
OPĆINSKOG VIJEĆA**

Zdravko Marošević